

四明叢書

張宗祥



宋元學案補遺卷二十二

目錄

景迂學案補遺

涑水門人

補晁先生說之

景迂學侶

補晁先生詠之

景迂講友

李先生朴

詳見范呂諸儒學案

袁先生季皋

張先生明仲

江先生予之

合傳

富先生季申

合傳

景迂同調

補

吳先生棫

景迂家學

晁先生冲之

別見廬陵學案補遺

晁先生觀之

晁先生公壽

晁先生公耄

晁先生公武
別見廬陵學案補遺

晁先生公鄮

景迂門人

補朱先生弁

朱先生翌

呂先生好問
別見滎陽學案補遺

李先生中
附子敦義孫光祖

邵先生博

別見百源學案補遺

侍御先緒

王先生次翁

景迂私淑

朱先生松

詳見豫章學案

濶山門人

王先生伯庠

景迂續傳

張先生騏

胡先生次和

王先生鉛

別見東萊學案補遺

蘇先生玘

別見滄洲諸儒學案補遺

之道續傳

晁先生百談

詳見槐堂諸儒學案

王氏家學

王先生伯序

吳氏續傳

趙先生汝談

詳見滄洲諸儒學案

陳先生振孫

劉先生莊孫

詳見水心學案

王氏續傳

王先生鐫

進士門人

袁先生洪

袁氏家學

袁先生桷

詳見深寧學案

宋元學案補遺卷二十二

後學

鄞王梓材同輯
慈谿馮雲濠

景迂學案補遺

涑水門人

補

詹事晁景迂先生說之

梓材謹案先生爲九子論云國初人物之盛可勝言哉如歐陽公是所師範也乃不及之是先生私淑廬陵者矣

雲濠謹案先生餘書十餘種曰儒言曰參訂許氏文字曰異同志曰有舊曰養素削觚曰山下草堂雜書曰石鵬志曰唐逸士志曰清心堂雜志曰隨省曰摺麥曰嵩外墨省曰晁氏變訓凡十有三種

見其孫子
健記語

晁以道語

詩所謂經始勿亟庶民子來者其專以簡易儉約爲德
初不言形勝富強益知仁義之尊道德之貴彼阻固雄
豪皆生于不足秦漢唐之迹更可羞矣

學者當以論語孟子爲本論語孟子旣治則六經可不
治而明矣

聖人之意具載于經天地萬物之理管于是矣後世復
有聖人尙不能加毫髮爲輕重況他人乎譬如日月光

明莫知其終始寧辨其新故彼一己之所謂新也乃六經之所故有也尙何矜哉

儒言

五采具而作繪五藏完而成人學者于五經可舍一哉學者同尊孔氏法詩書躬仁義俗學之目何自而得哉建隆以來禮樂文明煥然大備皆諸儒之力也誰當其目也耶如惡其眾而欲致獨則比屋可封之民爲罪人歟又或厭其久而欲新之則日月之出特久矣後漢治古學者貴文章以章句之徒爲俗儒則斥俗學者身自

謂耶 俗學

王阮亭曰此因王氏學而發

典籍之存詁訓之傳皆漢儒之力漢儒于學者何負而
例貶之歟後生殆不知漢儒姓名有書幾種而惡斥如
讎漢儒真不幸哉昔人歎廢興由于好惡盛衰繫之辯
訥良有以也

漢儒

董仲舒曰詩無達詁易無達言春秋無達辭范寧曰經
同而傳異者甚眾此吾徒所以不及古人也嗚呼古人
之善學如此今一字詁訓嚴不可易一說所及詩書無

辨若五經同意三代同時何其固耶

同異

王阮亭曰此指安石字說

袁紹與曹操論天下形勢操知袁氏世有河北未易圖
欲捨而他之則示弱乃出大言曰任天下之智力以道
御之無所不可是豈操之誠心哉今談經者不覈其實
喜爲高論大言一切取勝皆操之下塵歟

大言

言書者不取正于古文言詩者既恥言毛氏而又不知
齊魯韓三家之辨果以詩爲何詩耶言周禮者真以爲
周公致太平之書而不知有六國之陰謀地不足于封

民不足于役農不足于賦有司不足于祭將誰欺耶春

秋孝經則絕而不言未爲知本

知本

善哉鄭康成之言曰旣知今亦當知古蓋古今交相爲質則取道不遠或爲高絕不可跂及之論曰在古當然不知古之道亦何利于今而必爲之耶王莽好空言慕

古法今豈其遺風耶

慕古法

王阮亭曰此數條皆指安石廢春秋假周禮

南方之學異乎北方之學大抵出于晉魏分據之後其在隋唐間猶云爾者不惟其地而惟其人也蓋南方北

方之強與夫商人齊人之音其來遠矣今亦不可誣也
師先儒者北方之學也主新說者南方之學也南北之學

王阮亭曰此刺王氏之徒

梓材謹案四庫全書著錄先生儒言一卷提要云
晁公武以是書爲辨王安石學術違僻而作今觀
所論大抵新經義及字說居多而託始于安石之
廢春秋公武所言良信然序稱作於元默執徐實
徽宗政和二年壬辰在崇寧二年安石配享孔子
後故其中孔孟一條名聖一條祀聖一條皆直斥
其事則實與紹述之徒辨非但與安石辨也又不
奪一條心迹一條及流品以下凡數條併兼斥安
石之居心行事亦非但爲學術辨也當紹述之說
盛行而侃侃不撓誠不愧儒者之言又著錄景迂
生集二十卷提要言別本題
曰嵩山集蓋一書而兩名云

景迂生集

臣聞春秋尊一王之法以正天下之本與禮之尊無二
上其言實同蓋國之于君家之于父學者之于孔子皆
當一而不一者是以明王罷黜百家表章六經大儒推
明孔氏抑黜百家今國家五十年來于孔子之道或二
而不一矣其義說旣歸之于老莊而設科以孟子配六
經視古之黜百家而專明孔氏六經者不亦異乎

奏審
皇太

子讀孝經論
語爾雅劄子

序騶虞王道成也風其爲雅歟序魚麗可以告神明雅

其爲頌歟

詩序論

太史公世家首之以吳太伯列傳首之以伯夷貴讓也
書首乎堯舜春秋首乎魯隱公詩首乎二南皆以讓德
倡天下萬世之治道也

答張直
孺書

說之見伊川先生論曾子易簣事先生曰是禮也君子
所以貴乎禮者爲其以之以生以之以死如此其明也
說之曰是禮古人孰不然蓋曾子獨有傳焉爾後世之
士自賤其身而絕于禮此事始廢或者似有得于此而
蔽于浮屠老子虛誕之說乃不謂之禮而謂之達安知

吾道之所以貴哉先生曰然

題孫少傅致政小錄

王子晉年十有五識聖賢治亂之原而極天人生死之符顏子年二十有九頽然陋巷中有爲邦之志夫子告之以四代之禮樂所謂具體而微晉果如顏子哉

魏武之子倉舒十三歲而存則漢之存亡雖未可知必

不至于殺荀文若輩矣

以上邢居實墓表

晁氏客語

大學曰物有本末事有終始知所先後則近道矣人之學莫大于本末終始致知在格物則所謂本也始也治